

PHACELITIS ET ORESTES
APUD RHEGINOS ET SICULOS.

DISSERTATIO INAUGURALIS

QUAM

AMPLISSIMI PHILOSOPHORUM ORDINIS
AUCTORITATE ATQUE CONSENSU

IN

ACADEMIA GEORGIA AUGUSTA
AD SUMMOS IN PHILOSOPHIA HONORES

RITE OBTINENDOS

DIE XV. MENSIS SEPTEMBRIS

PUBLICAE DEFENDET

FRIDERIC. ^WGUILH. SCHNEIDEWIN.

HELMSTADIENSIS,

SEMIN. REG. PHILOLOG. ET SOCIET. PHILOL. GOTTINGENS. SODALIS.

OPPONENTIBUS:

ADOLPHO GIEREN, PHILOL. CANDID.,
SOCIET. PHILOL. SODALI.

E. L. DE LEUTSCH, DR. PHILOS.,
SOCIET. PHILOL. OLIM SODALI.

GOTTINGAE MDCCCXXXII.

IMPRESSIT FRIDER. ERNEST. HUTH, TYPOGR. ACAD.



Quum pervagatum sit, veterum Graecorum colonias et in reliquis institutis publicis civitatis patriae specimen imitari et cum eorundem numinum religione ritus sacros quodam pietatis sensu solitas esse custodire, nihil nobis in hac disputatione habendum antiquius videtur, quam ut inquiramus, unde Rhegium oppidum freto Siculo proximum primos colonos Graecos acceperit. Sed ut in aliis coloniis patefacta origine de patria cultus Deorum non solet oboriri controversia, ita in hac colonia res difficultatibus impedita ex eo est, quod diversi populi casu incertum an divinitus sociati eodem tempore Rheginam civitatem fundarunt, Messenios dico et Chalcidenses Euboeae. Quorum alteri Dorica de stirpe erant, ad Jones pertinebant alteri. A Rheginis autem quum Latona natos sancta religione cultos videamus, Apollo quidem non potest esse obscurum, unde originem traxerit. Sed Diana utrique populo communis, cujus alia apud Doros, alia apud Jones indoles fuit Deae, utrum Delphis commigrarit Rhegium, an Euboeam patriam habeat, in incerto esse Muellerus dixit, *Dorr. I. p. 369.* Quam dubitationem dum studebimus eximere, in explicanda prima civitatis initia descendendum erit.

Chalcidenses Euboeae quum ob agrorum sterilitatem inopia victus conflictarentur ¹⁾, oraculi jussu moniti juvenes suos decumatos, uti moris erat ²⁾, ad Apollinem miserunt Delphicum, v. Strab. VI. p. 258. Cas., Heracl. Pont. 25., cll. Diod. Excerptt. Vatic. p. 11. Mai. Apollo hos homines, ad quos se aggregaverant alii Chalcidenses domo assumpti, postea Rhegium coloniam condere jussit. Quod tum fieri solebat, quum numerus servorum circa templum Delphicum, quae fere sors ejusmodi homines mansit, in nimiam magnitudinem excrevisset.

Eodem tempore accidit, ut pars Messeniorum patria exturbata Macisti Triphyliae commoraretur. Qui cur exsulerent, caussa haec fuit. Namque in finibus dicionis Laconicae et Messeniae, Dentheleatem agrum vocabant, Limnae sitae fuerunt, locus ob sanctam Dianae Limnatidis religionem conspicuus. Utrique populo id *χωρίον* a vetustate temporum commune fuisse praeter Paus. IV, 4, 2. testatur Strab. VIII. p. 362. *κοινὴν συνετέλουν πάντη γούριν καὶ θυσίαν ἀμφοτέροι.* Verum et antea de

1) Injuria hanc expeditionis causam elevavit dubitando Lorentz. de orig. vett. Tarentinor. p. 36.

2) *δεκατενθίντας*; Diod. l. c. οἱ ἐκ τῆς δεκάτης ἀνατεθίντες Χαλκιδεῖς ἦλθον χρησάμενοι (leg. χρησόμενοι) περὶ ἀποικίας. Longe accuratius Strabo. Hinc Apollo *δεκατήφορος* apud Megarenses, Muell. Dorr. I. p. 229; de Cretensibus et Atheniensibus vid. ibid. p. 242. Eadem ratione auctoritas Apollinis Delphici movit Magnetes, ejusdem condicionis homines, ut Cretam peterent, unde in Asiam minorem transgressi Magnesiam ad Maeandrum condidere, Muell. Dorr. I. p. 258. Messapios Italiae ab Messapiis Locridis, Thuc. III, 101, oriundos sacram Delphici templi coloniam fuisse monstrat v. d. in Museo Philolog. Britann. 1831, I. p. 142.

principatu delubri, quem uterque sibi arrogavit, jurgia efflagrant, et Tiberii adeo tempore imperatoris Romani, utrius esset, Romae per legatos disceptatum est, utroque populo ad annalium memoriam vatumque carmina provocante, Tacit. Annal. IV, 43. Quo quum Lacedaemonii γεγεῖα ante bellum Messeniacum primum misissent virgines ad festum Dianae celebrandum, supervenerunt juvenes Messenii, qui florem virginum laeti decerperent iisque auxilia ferre et propulsare vim conatum Telectum regem obtruncavere.

Ita haec accidisse narrabant Messenii exsules, conspirantibus Spartanis: quibus adversa jactasse Messenios reliquos, nemo mirabitur, qui culpam provocati belli a se amoliri conniterentur, v. Paus. l. c. Lacedaemonii quum publice poenas expoposcissent, in duas dirimebantur partes Messenii: justior altera et quae numen revereretur Deae neque injurias a Messeniis profectas infitiata neque poenas recusans, ab altera ista nefarie solum vertere coacta Macistum aufugerat Triphyliae. Unde Delphicum adiere Apollinem, quomodo salvi evaderent, perdit jam, sciscitaturi. Non enim par atque aequum esse, se his calamitatibus circumveniri, ipsius sorori civium procacitate violatae suppetias ferre ausos. — Neque frustra Delphico Deo rem committunt: adjunguntur ad Chalcidenses istos Rhegium petituros. Sorori gratiam jubentur habere salutis: patriam enim ipsorum μικρὸν ὕστερον a Lacedaemoniis iri subactum. Ita haec Strabonem maxime secutus enarravi: omnem rerum nexum turbat memoria Heraclidis, qui l. c. casu incidisse Chalcidenses in Messenios Macisti commoratos scribat. Fecissent iter Chalcidenses, si Heraclidi fidem adjungeremus, compendiarium in eandem normam,

quasi quis Helmstadio Brunsvigam profecturus non praetermitteret Halberstadium. Ceterum silentio transimus quae diversa de colonia Rhegina condenda traduntur: spectemus ea, quae fini disputationis conducibilia sunt. Illud certe obtinebimus certissimum esse, eodem tempore Chalcidenses cum Messeniis sociatos Rhegium venisse: primum, quia veteres auctores testantur locupletissimi: tum, quia alias Messeniae gentes vix poterant ad gubernacula reip. sedere. Quare dissentio a Wachsm. Antiqq. Gr. II, 2. p. 195., ne commemorem alios. Primam istam coloniam, nam diversis intervallis temporum plures successisse Messenios, non nego, paucis ante bellum Messeniacum I. annis Rhegium fundasse censeo. Cui sententiae ne quis putet obniti testimonium Aristotelis ap. Strab. X. p. 447., qui tum demum scribat Chalcidenses deduxisse colonos, quum Ἰπποβοῦται remp. administrarent, non constat, quo illi tempore remp. capessiverint. Et ne tum quidem obesset haec gravissima Arist. memoria, quoniam interest inter colonos certo consilio in alienas sedes deductos et homines Apollini traditos, post secedere iussos. Ceterum ἱπποβοῦτας ad remp. moderandam admotos judicavit Rad. Rochett. hist. col. Gr. III, p. 198. Ol. X.; cujus calculum comprobavit C. Fr. Hermann., Mus. Rhen. 1832. I. p. 93.

Congruens est, hos colonos ex more Apollinis ἀρχαγέτον religionem debuisse instituere, uti omnes coloniae a Delphico Deo emissae, quae fuere plurimae. Nec Dianam poterant negligere, ob quam pars altera colonorum a se defensam et excidisset et communem patriae ruinam evitasset. Ut autem Delphis juncti Πυθῶνος αἰπεινᾶς ὁμῶς λαοὶ ἑποπται, Pind. Nem. IX, 5., ita Rhegii conjugati fuerunt.

Praevideo fore, qui ita disputent, ut, quum uterque populus a Delphico Deo societatis vinculis ligatus profectus sit, probabile esse dicant, in religionibus instituendis amice utrumque conspirasse. Quod secus est: Chalcidensium alia plane condicio fuit, atque Messeniorum: illi oraculi mancipia servitutem serviebant: Messenii, licet numero, ut consentaneum est, inferiores ³⁾, horificentius habitum videntur. Quare quum acceperimus, ad Anaxilam usque tyrannum Messenios Rheginos gessisse summos magistratus, Strab. l. c. οἱ τῶν Πηγίων ἡγεμόνες μέχρι Αναξίλα τοῦ Μεσσηνίων γένους ἀεὶ καθίσταντο, (Anaxilas ipse a Messeniis genus duxit, qui teste Thuc. VI, 5. Ζανκλὰν Μεσσήνην ἀπὸ τῆς ἐλευσοῦ τὸ ἀρχαῖον πατρίδος ἀντωνόμισε), non improbabilis fuerit suspicio, in administrandis rebus divinis non minores ipsorum partes fuisse, quam in civitate regunda.

Ut ad Dianae originem scrutandam sermonem deducamus, colebatur ea in Euboea ut Προσηώα in Artemisio litore, Αμαρυσία juxta Eretriam, Inscript. ap. Spanh. Call. Dian. 188., Paus. I, 31, 3., Strab. X, p. 332., in monte denique Cotylaeo. Ἀμμένας Εὐρύποιο ei placuisse Callim. scribit l. c. Nam et in Boeotico litore cultam Dianam esse, vel caussa Iphigeniae documento est, v. Welcker. Theogn. p. 115. Rhegii *Phacelinae* nomine ornatam scimus fuisse, quod et ex nexu fabulae Ore-

3) Hinc explicatur, cur aliquot scriptores Rhegium *Χαλκιδίων ἀποικίαν* dixerint simpliciter, v. Diod. Sic. XIV, 40. Dionys. Hal. εἴ', 3. Mai. Non satis accurate locuti illi, sed ex praevalente incolarum numero. Ita apud Thuc. VI, 44. rogantur, ut auxiliari Leontinis velint, Chalcidensibus Chalcidenses,

steae, in quam statim inquiremus, apparet, et deserto testimonio nititur Pomponii Sab. in Virg. Aen. II, 116. „*cujus nominis colebatur apud Rheginos.*“ Eaque unde apportata Rhegium sit, non jam erit obscurum.

Refert enim Paus. III, 16, 6. Limnaeam regionem, qui erat vicus Spartae, Dianae Orthiae sacram esse: τὸ ξόανον autem Deae fabulari incolae Orestem olim et Iphigeniam cum Pylade ex Tau-rica furatos ibi deposuisse. Pergit Paus. 16, 7. καλοῦσι δὲ οὐκ Ορθίαν μόνον, ἀλλὰ καὶ Λυγοδέσμαν τὴν αὐτὴν, ὅτι ἐν θάμνῳ λόγων εὐρέθη, περιειλη-δεῖσα δὲ ἡ λόγος ἐποίησε τὸ ἄγαλμα ὁρᾶν. Λυγοδέσμαν autem non discrepare a Phacelina, declarabimus infra. Jam vero cum summa specie veri ex Limnarum nominis communione liceret statuere, uti in suburbio Spartae, ita in agro Dentheleate Dianam Λυγοδέσμαν nuncupatam fuisse, hinc Rhegium migrasse cum istis, quos praediximus, Messeniis. At non opus conjectura est, siquidem Strabo VIII. p. 362. testis est: ἀπὸ τῶν Λιμνῶν τοῦ-των (quae fuerunt in confinio Lacon. et Messen.) καὶ τὸ ἐν Σπάρτῃ Λιμναῖον εἰρηται τῆς Αρτέμιδος ἱερὸν. Unde perspicitur luculenter, Dianam Λυγοδέσμαν ab illo sacro commigrasse et Spartam et cum Messeniis Rhegium.

His ita absolutis, de fabula Orestis Rhegii illustrati rectius, quam antehac factum est, licebit judicare.

Orestes necata impia matre, ita fabulae ferebant ⁴⁾, in furorem conversus, oraculum adiit Del-

4) Nihil dico de diversitate fabularum; teneamus ea, quae ad hanc rem dilucidandam faciant. Vulgares de Orestis fati mythos nuper collegit Westrik de Aesch. Choeph.

phicum. Tulit responsum, se tum demum depositurum furorem, si recuperata sorore Iphigenia apud Thoantem, Tauricae regem, quae Graecis ab initio Lemnus insula fuit, v. Muell. Orchom. p. 310., sacerdotis munere functa in templo Dianae, ablueretur fluvio, qui septem fluminibus confunderetur, Prob. praef. Virg. Bucol. II. p. 348. Lion., sive, ut loquitur Gramm. de carm. bucol., Theocrito praemitti solitus, χρησμός ἐξέπεισεν, ἐν ἑπτὰ ποταμοῖς ἐκ μιᾶς πηγῆς ῥέουσιν ἀπολοῦσασθαι, non accurate locutus ille, Orestem jam ἐκκομίζοντα Tauricae Deae simulacrum oraculum accepisse demum. Euripideam fictionem secutus Pomp. Sab. Virg. Aen. II, 116. jam expiatum Tauricam scribit adisse, Septem illa flumina quae nominantur, aperte spectant ad religionem Apollineam, τοῦ Εβδομαγέτου, τῇ γὰρ ἐβδόμῃ Ἀπόλλωνα χρυσάορα γείνατο Λητώ, Hes. Opp. 771., eoque die sacrificia ei oblata Spartaе Herod. VI, 57., cll. Welcker. Trilog. Aesch. p. 65. Neque de nihilo flumina monstrata debent videri ex eodem promanantia fonte. Cujus rei vim quandam in lustrationibus hominum esse, veteribus videtur persuasum fuisse, quae observatio proderit explicando loco subobscurо, qui est Aesch. Choeph. 70 sqq. Argonautarum confundens expeditionem cum Hygin. fab. 261. Colchis Dianae effigiem reportasse Servius auctor est in Aen. II, 116. — Pergit Probus, Orestem diu vexatum reperta tandem sorore in Scythis venisse ad fines Rheginorum ibique invento flumine illo elutum. Gramm. Theocr. l. c. ὁ δὲ πορευθεὶς εἰς Πήγιον τῆς Ἰταλίας τὸ ἄγος ἀπενίψατο ἐν τοῖς λεγομένοις δια-

p. 48 sqq. In qua explicanda fabula nos versamur, non attigit.

ῥήγους ποταμοῖς. Quam lustrationem Rhegii factam
 non figmentum fuisse nescio quod ingenii poetici
 nescio cuius, sed de cuius veritate incolis persua-
 sum esset, evincunt haec. Nam Varro in X. Hu-
 manar. ap. Prob. l. c. »*Apud Rhegium fluvii sunt
 continui septem, Latapadon, Migodes, Eugyon,
 Stacteres, Polme, Meleissa, Argeades.*« Quos ri-
 vulos, undique, opinor, arcessitos, septimanus ut
 compleretur numerus, maximam partem apparet
 corrupta gerere nomina, sed in quibus emaculan-
 dis frustra omnis labor insumatur. Unius *Argea-*
dis tenella superesse memoria videtur in *Arciade*
 tabulae Peutinger., quae locum non longe removet
 a Rhegio; quod utrum oppido nomen sit, necne,
 dubitare se profitetur Cluver. Ital. antiq. p. 1298.,
 pro certo ponit Hermann. de Aesch. Glaucis Opusc.
 II. p. 73. Potest sane fluviolus posthac nomen de-
 disse oppidulo, uti Taras Tarento, Acragas Agri-
 gento, Himeras Himeræ al. Parmam sive Pal-
 mam, quae apud Varronem *Polme* scribitur, huc
 non traxerim cum Hermanno; Melissam, cuius in-
 certus situs, lubrica memoria, repudiavit ipse.
 Ut diffidamus nominibus illis, facit auctoritas Ca-
 tonis, qui in III Origg. ap. Prob. l. c. tradidit:
 „*Rhegini Taurocini vocantur de fluvio, qui praeter-
 fluit. — In eorum agro fluvii sunt sex; septimus
 finis Rheginorum atque Taurinum dispescens. Flu-
 vio nomen est Paccolico.*“ Quod Taurocini vocan-
 tur Rhegini, *Tauriana* regio, (nam ita rectius vi-
 detur scribi; ap. Plin. hist. nat. III, 5, 73. quod
 vulgatur *Taurocentum* Cluver. l. c. in *Taurianum*
 mutandum censuit, eaque emendatio veteribus li-
 bris Dalecampii apud Sillig. corroborata reponenda
 erit) in finibus Rheginorum *Metaurus*, et urbs et
 fluvius, patet, nisi meus me animus fallit, quo

spectet. Nam ex *Taurica* venisse Orestem Dianae-
que *Tauricae* apportasse effigiem, mentibus illorum
hominum fixum haesit. Nomen *Paccolioi*, quem
alii *Paccolinus*, *Taccolinus* scribunt, mirifice redo-
let Italum recentiore, quem id substituisse ger-
mano nomini, quod fuisse *Metaurus* videtur, con-
jicias. Praeterea lustrationis Oresteae memoriam
servat *portus Orestis*, v. Plin. l. c. Cujus de situ
quum non certo constet, Rhegio propiorem ali-
quanto suspicor fuisse, quam vulgo statuunt, vid.
Cluver. It. ant. p. 1293., qui *navale Medmae sive*
Medamae nihil ab eo differre, dubius conjicit. At
id remotius est. Superstitio autem popularis in
his fabulis ex antiquitate creditis non acquievit:
superesse monumenta commorationis Oresteae facile
sibi persuaserunt. Abiens inde, ita Varro narrat,
ensem ferebatur reliquisse, qui diu fuit *superstes*.
Cato adeo non longinquam asserit esse memoriam,
quum ensis ille Oresteus, insigne matricidae ⁵⁾, ut
in monumentis artis, in arbore repertus sit. Jure
hic reponitur glossa Hesych. *Ξιφίρον λιμήν. Αι-
σχόλος Γλαύκω Ποντίω* (ita *Ποντιεῖ* emendavit Herm.
l. c.) *ὁ πορθμός. ταῦτα γὰρ πάντα τὰ περὶ Πήγιον*
ῥεῖων. Pro *Ξιφίρον* Casaub. *Ξιφήρον*. Vera scrip-
tura est *Ξιφήρους*, opinor, sive mavis *Ξιφόρον* pro
Ξιφοφόρον, ut *ἀμφορεύς* pro *ἀμφιφόρεύς*, alia.
Corrupta relicua paene insanabiliter ⁶⁾ hunc videā-

5) Rectius hoc videmur statuere, quam ad impetus Fu-
riarum defendendos ensen datum fuisse. In quem
usum Apollinem Oresti arcum dedisse, Stesichorus fe-
cerat in Orestea, v. fragm. 41. Klein. Veteris artis mo-
numenta Muellerus describit Dorr. I. p. 332.

6) Eruditorum conjecturas, incertas omnes, v. ap. Din-
dórf. Aesch. fragm. 35.

tur flagitare intellectum: Aeschylum Glaucum regiones illas omnes circa Rhegium descripsisse a se habitas.

Hermannus eo loco, quem significavimus, postquam de Hercule cogitavit, cui Aeschylus fecerit Glaucum Pontium in fabula cognomine fata enarrantem, quum Geryonis armenta abigens in Italia inferiore versaretur, rejecta hac sententia videndum ait, ne Orestes potius sit is, cui fata canentem Glaucum poeta introduxerit. Verum nobis contra priscorum hominum religionem pugnare videtur, nūmen marinum (ἄνδρωποειδὲς θηρίον) fata praedicere homini, qui scelus commisit μητρόκτονον. Haec ad unum spectant Apollinem, quod vel ex Eumenidibus Aeschyli licet intelligere, ubi Apollo errores Oresti vaticinatus, licet in alia fabulae conformatione, ita v. 77. loquitur de Furiis Orestem insectantibus:

ἐλῶσι γάρ σε καὶ δι' ἡπείρου μακρᾶς,
ὅπερ, τε πόντον καὶ περιβόρτας πόλεις,

coll. v. 235., respiciens ille hos errores transmarios. Praeterea Hermannii ratio non concordat cum disertis veterum scriptorum testimoniis, qui Orestem non tum demum oraculum accepisse scribunt, sed lustratum ibidem volunt. Ut Glaucus non circa haec loca ei tale quid praedicere potuerit. Ipse autem Glaucus in eas se regiones adnatasse profitetur, v. Aesch. Gl. ap. Schol. Pind. P. I, 152. Mihi quidem plane persuasum est, neque de Hercule neque de Oreste sermonem fuisse in fabula Aeschylia, et pulcherrime sensisse Welckerum, fabulam cum Phineo et Persis eadem trilogia comprehensam Glaucum fuisse non Potniensem, sed Pontium, v. Trilog. Aesch. p. 472. Append. p. 176 sqq. Quam Welckeri sententiam, Hermannus acris

ter exagitata et derisam, aliis insuper argumentis stabilivit Mueller. Gott. Gel. Anz. 1827. Nr. 68.

Postquam Herm. ad firmandam sententiam suam attulit, quae Gramm. Theocr. et Probus de Oreste Rhegii lustrato memoriae prodiderunt, subicit: „Prorsus haec tenebricosa sunt, praetermisitque Cluverius, cui tamen lecta fuisse, ex p. 1298; 24. colligas.“ Quam obscuritatem, si modo poterimus, conabimur dispellere. Dixit autem Cluver. de his rebus in Sicil. ant. p. 304 sqq., sed paucis et ut neque originem indagaverit fabularum et in compluribus rebus a vero aberrasse videatur 7).

Templum Apollinis Rhegini 8) ab Oreste exhibebatur exstructum, v. Prob., nec minus Dianae Phacelitidis simulacrum ab eodem allatum fabulabantur. Quod relicui praeter Probum Grammatici de iisdem rebus locuti Rhegium vel verbo tangunt,

7) Usurpavit Herm. praeter haec ea, quae Marafiotus in Antiqq. Calabr. ex ignoto libro Procli de oraculis protaxisse se gloriatur. Quae miracula sunt. Orestem narrat ex Proclo scilicet suo, in templo Proserpinae Vibone didicisse, destitutum furere, si Rhegii ablutus Dianae *Fascelidis* simulacrum erigeret. Jam ex his, quae merae nugae sunt, — quid enim Oresti cum Proserpina? quid, num Proserpina divino afflatu concitata subito oracula edere didicit? — poterat concludi, commentitia ea esse. Complura talia confinxit impostor impudentissimus, quae neque extiterunt unquam et ne poterant quidem, uti Archiae poetae orationem habitam coram Rheginis, Themistoclis geographiam orientalem aliaque ejusdem farinae. Quas fraudes aperuit Leo Allat., v. Morisan. Inscr. Regin. p. 11.

8) „*Apollo Major*,“ Inscript. VI. ap. Morisan. p. 266. Neque tamen caussa haec est, cur cum Morisano alterum Apollinis fanum statuamus fuisse Rhegii.

vel silentio praetermittunt, immorantur diutius in Oreste inde in Siciliam transgresso, ubi Phacellinae simulacro deposito festorum dierum solennitates instituerit, id quam rationem habeat, non potest ambigi. Occupantur enim in eo, ut sacra illa Dianae carmini bucolico originem defendant dedisse, qua gloria Sicilia non facile poterat fraudari. Verissime autem Lamprid. p. 103. Casaub. „Orestem quidem ferunt non unum simulacrum nec uno in loco posuisse, sed multa in multis.“ Ubique enim Dianae Ὀρδίας, Ὀρδωσίας, Φακελίτιδος, Ταυροπόλου, Λογοδέσματος vocatae, quam ex Taurica in Graeciam delatam arbitrabantur, florebat religio, simulacrum deae ortum debere Oresti solebant existimare. Ita non procul a Tegea templum Limnatidis fuisse Paus. VII, 20, 4. testatur: discimus ex Herod. I, 67. Tegeatas ossa Orestis sibi vindicasse. Attici Brauronem, Eurip. Iph. Taur. 1419., Halas 1430., Ariciam adeo ferebant attulisse, v. Donat. vit. Virg. p. XCII. Heyn., Hygin. fab. 261, Serv. Aen. II, 116. Porphyr. Hor. I. carmm. 7, 10. Ibi Nemorensis vocata, Buttm. Mythol. II, p. 145. Sed quae addit Lamprid. „postea quam se apud Tria Flumina circa Hebrum ex responso purificavit, etiam Orestam condidit civitatem,“ ea aliena sunt. Spectant haec ad ἐνιαυτοῦ κύκλον, quem jussu Apollinis et aliis in locis habitasse perhibebant et in Parrhasia, donec lustratus hominum commercio frueretur, v. Eur. Orest. 1644. Pherecyd. in Scholl. ad eum locum. Troezenē ἐνιαυτίσαι Troezenii volebant, Paus. II, 31, 11. —

Haec fabulae Orestis, quae Rhegium spectant, nemo dubitabit, qui origines civitatis meminert, quin cum religione Apollinis et Dianae, — nam

cum utroque numine caussa Agamemnonidae artis-
sime cohaeret, — a colonis Graecis in illa loca ap-
portatae sint. Nam quum Apollinis Delphici mu-
nus primum constaret in lustratione hominum,
qui se humano sanguine commaculassent, veterum
Graecorum colonos ab oraculo Delphico emissos non
mirandum est cum religione Apollinis et lustrationes
instituisse, ut ipse post interemptum Pythonem ex-
piatus dicebatur Deus. Pietas autem eorum flagitabat
ut principem quendam ex vetustate ibi lustratum sibi
persuaderent. Nēque is alius poterat esse, quam ὁ
περιβόητος Orestes, cum Delphico ἀρχαγέτα conjun-
ctissimus, Delphis expiatus. In qua re fateor fieri
posse, ut Chalcidenses aliquid contulerint ad exor-
tandam fabulam. Nam teste Hesych. Ὁρέστη. χωρίον
Εὐβοίας, cll. Hecat. Europ. ap. Steph. Byz. s. v.
Ορ., πόλις, quanquam incertum est, num Steph.
urbem Euboeae intellexerit. — Ab altera autem
parte Apollinis cohortationi obsecuti (ut Strabo
refert, quod oraculum apertum est fluxisse ex re
et veritate), venerabantur Dianam. Quae Limnis
venerat; in eas autem Limnas, quae erant Spar-
tae, Orestes effigiem deae dicebatur attulisse. Idem
de simulacro, quod Limnae alterae tenebant, per-
suasum fuisse Messeniis, vix opus est admonere.
Igitur non poterant non idem sentire de deae effi-
gie Rheginae. Hinc jam luce clarius est, unde fa-
bulae de Oreste Rhegino pultularint; hinc, cur
alii Orestem ibi lustratum velint, alii Dianae ab
eodem derivent simulacrum. Quae quidem fabulae
persuasione populari pie exornatae fortasse a Ste-
sichoro in Orestea non plane transmissae silentio
erant. Ita ut statuiam impellunt me plura, de qui-
bus commodior alibi disputandi erit locus. —

Sequitur, ut cum veteribus Grammaticis Ore-

stem nostrum comitemur in Siciliam, ut, si fieri potest, illustretur, cur tandem veteres ita fixerint. Probi verba haec sunt: „*Elutus* (scil. Rhegii, quod probe tenendum; nam rerum complexum pervertunt, qui casu Orestem in Siciliam appulsum affirmant; ut Donato l. c. *circa Siciliam vagus* audit; tempestate ad Siciliam delatum Serv. Bucol. p. 95. vult.) *trajecit in Siciliam et juxta Syracusas a somnio admonitus simulacrum Deae, quod secum de Taurica advexerat, templo posito consecravit, quam appellavit Fascelitim, quod fasce lignorum tectum de Taurica simulacrum extulisset.*“ Nisi mea me suspicio ludit, non satis accurate locutus Probus est. Nihil enim relatum legimus de Phacelina Diana juxta Syracusas culta. Seduxisse Grammaticum videtur vel carminis bucolici princeps Theocritus, qui Syracusas patriam habuit, vel Diana *ποταμία* ex Peloponneso cum colonis Graecis in Ortygiam propagata, cujus similis indoles fuit, atque Phacelinae. V. quae dixi ad Ibyci fragm. 35. Schol. autem Theocr. l. c. *ἔπειτα εἰς Τυνδαρίδα τῆς Σικελίας ἦλθεν*. Quae memoria egregie confirmat nostram de origine Dianae Rheginae sententiam. Namque Tyndaris et ipsa colonia fuit Messeniorum. Dionysius prior, tyrannus Syracusarum, Messenios Peloponnesi, Zacyntho et Naupacto, ubi consederant, a Lacedaemoniis ejectos, receperat iisque cum aliis Messanam sedem assignaverat. Qua re quum iram Lacedaemoniorum excitasset, *χωρίον τι τῆς Ἀβακαινίνης χώρας ἀπετέμετο* idque Messeniis habitaculum concessit. Qui Tyndaridem condunt gemino sese attollentem Lacone, v. Diod. Sic. XIV, 78., quod factum est Olymp. XCVI. Ex quo exemplo denuo intelligitur, quam impudentes dicam an pii fuerint Graeci in originibus sacrorum suo-

rum confingendis et in antiquitatis longinquitatem removendis. Sed alium praeter Tyndaridem novimus locum, quo Orestem confugisse ferebant. Vib. Seq. de fluv. p. 16. Oberl. „*Phacelinus Siciliae juxta Peloridem, confinis templo Dianae.*“ Quod flumen hodie Nuciti vocatum nomen a Dianae cognomento ascivit. Oppidum juxta flumen in litore exstructum a sancta Dianae suae religione nuncupatum Artemisium fuit, Appian. bell. civ. V, 44, qui *πολίχνην βραχέατην* vocat. Non nimis tamen tenuem locum fuisse, inde efficitur, quod bello Punico altero mille militum manum comparavit, Sil. Ital. XIV, 261. Situm autem oppidum fuit Mylas inter et Naulochum, Cluver. Sic. antiq. p. 306.

Quis Artemisii conditor exstiterit, quantum cognovi, diserte traditum non est. Sed, si quid video, ipsa haec fabularum involucria originem civitatis certissime coarguunt. Mihi enim persuasum est, ita sentiendum esse, ut Dianae religionem a matre Rhegina eo commigrasse statuamus. Nam communio cultus Deorum ubique firmissimum documentum cognationis. Quid, quod illi homines eo progressi sunt, ut ne lustrationem quidem a se alienam censerent? Cujus rei fidem facit Serv. praef. Virgil. Bucol. p. 95., qui Rhegii immemor Orestem tempestate ad Siciliam delatum completo anno Dianae festum celebrasse tradit. Quod compleretur annus dicit Orestem, intelligit *ἐνιαυτὸν* Apollineum in purgandis homicidis solennem. Neque tamen hinc colligitur, Apollinis cultum cum Diana eo propagatum esse. Haec si vere et ordine disputata sunt, certe unam coloniam lucrati sumus ex numero earum, quas multas Rhegium deduxisse fertur. Strabo l. c. *ἐπιφανῆ πόλιν οὖσαν καὶ*

πολλὰς πόλεις οἰκίσασαν — κατέσκαψε Διονύσιος.
 Ex quibus, quod sciam, ne una quidem adhuc vetustatis situ liberata et in vitam revocata erat. Quibus colonis antistites sacrorum Rhegini, quos Messenios fuisse declaratum ivimus, adjunxisse putandi sunt, qui sacrorum patriorum ritus et religiones instaurarent. Conjicere licet, Rheginos navibus validos et mercatura florentes stationem navium isto in litore condidisse, donec deductis colonis oppidi moenia surgerent. —

Quoniam autem Apollinem cum Diana apud Rheginos artissimo vinculo nexumprehendimus in caussa Oresteae, nefas videtur, sororem a fratre avulsam commemorare unam, silentio mandare quae satis multa nec injucunda cognitu de Apollinis religione apud Rheginos transmiserunt veteres auctores. Quae breviter perstringere placuit.

Stato tempore legationes sacras Rhegini Delphos mittere soliti, uti aliae coloniae fecerunt. Varr. ap Prob. „Cujus (sc. templi Apollinis ab Oreste exstructi) loco Rheginos quum Delphos proficiscerentur, re divina facta, lauream decerpere solitos⁹⁾, quam ferrent secum.“ Pro loco emenda *luco*. In tali legatione accidisse videtur id, quod ex Timaeo referunt Strabo l. c. et Antig. Caryst. hist. mir. I. et quos ibi laudavit Niclasius. Aristonem enim Rheginum et Eunomum Locrensem Epizephyrium citharoedos venisse Delphos, ubi ex antiquo inde tempore certamina musica committebantur., v. Plut. quaest. symp. II, 4, 1. Quibus quum

9) Notabilis structurae variatio: „dicitur purgatus Orestes, ibique diu fuisse ensem, — Rheginos solitos.“

de sorte ¹⁰⁾ controversia oborta esset, Aristo οὐκ ᾔετο δεῖν ἐλαττοῦσθαι, τῆς ὅλης Πηγίων ἀποικίας ἐκ Δελφῶν καὶ παρὰ τοῦ Θεοῦ γεγεννημένης, ut ait Antigonus. Strabo: ἱεροὺς γὰρ εἶναι τοὺς προγόνους αὐτοῦ καὶ τὴν ἀποικίαν ἐνθένδε ἐστάλθαι. Rixae quomodo sedatae sint, lege apud ipsos scriptores. Quod Aristo ἱεροὺς majores Delphico Deo pronuntiavit, Chalcidenses propius tangit, quam Messenios. Ceterum inter Locrenses et Rheginos mature effloruisse videtur poesis laetissime eaque ad honorem Apollinis et Dianae comparata. Hinc plura nominantur poetarum nomina, qui paeanes conscripsisse feruntur et plerique quidem Locrenses perhibentur fuisse. Ut Xenodamus, Xenocritus, Plut. Mus. 9., Erasippus, Heracl. Pont. 29. coll. Boeckh. Expll. Pind. p. 197. Id genus poesis ut excolerent, hanc exstitisse causam dicit Aristoxen. in vita Telestae Selin. ap. Apoll. Dyscol. hist. mirabb. 40. Mulieribus enim, ut fit interdum, furor incidit, ut saepe coenantes mensis relictis, tanquam vocatae ab aliquo, confestim baccharentur, et nullis flectendae rationibus extra urbem evagarentur. Locrensisibus autem et Rheginis de sedando furore oraculum consulentibus, imperavit Deus, canerent παιᾶνας ἑαρινοὺς δωδεκάτης ἡμέρας ξ. ὅθεν πολλοὺς γενέσθαι παιανογράφους ἐν τῇ Ἰταλίᾳ. Mirum videri debet et singulare, quod poetae paeantum Locrenses fere dicuntur fuisse, quibus certum est

10) Etiam in reliquis certaminibus Pythiis sors certandi ordinem definiebat, v. Heliod. Aeth. p. 161. Bourd. Aristo flagitavit igitur, ne arbitrio sortis ordo certantium citharoedorum committeretur, sibi primas vindicans.

neque Apollinem neque Dianam cultos, ad quos antiquioribus temporibus unus spectabat paeon, v. Procl. Chrestom. p. 523. ὁ παιὰν τὸ παλαιὸν ἰδίως ἀπενέμετο τῷ Ἀπόλλωνι καὶ τῇ Ἀρτέμιδι ἐπὶ καταπαύσει λοιμῶν καὶ νόσων ᾄδόμενος. Quare quum in isto Italiae inferioris tractu Rhegini Apollinis religio sanctissime obiretur et Rhegini cum Locrensibus eodem infortunio laborasse dicantur, facile adducor, ut omnibus illis poetis, qui paeonum auctores exstiterunt, Apollinem Rheginum cum sorore celebratum censeam. Quam sententiam ut foveam, movent me et alia et narratio ap. Paus. V, 25, 1. Refert enim, Messanos Siciliae ex more antiquo κατ' ἔτος (intelligendus videtur annus Apollineus) chorum puerorum, numero XXXV. transfretum mittere solitos ad festum aliquod Rheginorum domesticum concelebrandum iisque καὶ διδάσκαλόν τε ὁμοῦ τῷ χορῷ καὶ ἄνδρα αὐλητήν adjunxisse. Procul dubio ad Apollinem et Dianam haec solennitas spectavit, quo et ἔτος illud ducit et numerus puerorum XXXV. Discimus ex hac memoria, primum quam illustris fuerit religio Apollinis Rhegini; deinde, quod non exigui momenti est, ab antiquis temporibus hos homines cantibus choricis usos esse. In quibus festis num praeter paeanes usi sint iis carminibus, quae a Stesichoro Himerensi aliisque idem genus carminum secutis conscripta fuerunt, neque refellere neque licet affirmare. Ii certe turpiter errarunt, qui illa carmina heroico-lyrica non choro acta putant, sed a poeta ipso ad citharam decantata.

In numis Rheginorum insignia comparent Apollinis cortina, tripus, lyra, pharetra, rell., v. Eckhel. doctr. num. I. p. 181. In marmore III. ap.

Morisan. multi praeter prytanes, archontem pentactericum, symprytanes, nominantur homines sacris Apollini faciundis, *ιερόσκοποι*, *θύτης*, *ιεροσαλπίστης*, v. Poll. IV, 87., *ιεροπαρέκτης*, *σπονδαύλης*, *tibicen libationibus accinens*, v. Salm. ad scrr. hist. Aug. p. 493., Mar. Victor. p. 2487. Putsch., et qui maxime mirus videri debet, *καπναύγης*, modo sincerum nomen est, ὁ τὸν καπνὸν ἀγάζων, de quo genere observationis voluntatis divinae v. Eur. Suppl. 211., Helen. 745. Sed satis de his omnibus exposuit et Morisanus et Burmann. in Dorvill. Sic. II. p. 560 sqq. Docet autem ille lapis, diutissime Rhegium et sancte servasse religionem Apollineam; Romana enim tempora praefert. Nam dum relicuae civitates magnae Graeciae olim florentissimae fere barbaram speciem induerant, Rhegium in paucis pristinum statum incolumem retinuit, v. Strab. Neque negligendum est, quod Rhegium Phoebea nuncupata est, quum a Dionysio priore diruta ex parte instauraretur a filio; quod nomen insigni Phoebi Apollinis venerationi deberi, in aperto est.

Revertamur ad Dianam. Templum extra urbem situm, Thuc. VI, 44. ἔξω τῆς πόλεως στρατόπεδον κατεσκευάσαντο ἐν τῷ τῆς Ἀρτέμιδος ἱερῷ. Rhegii, Tyndaride et Artemisii Phacelinae nomen gestasse demonstravimus eam, quae apud Messenios et Lacedaemonios *Λυγοδέσμα* fuit. Apud Graecos quidem scriptores eos, quos superstites habemus, non reperitur vocabulum; Latini Grammatici Latinam rati originem a vera radice indaganda deflexerunt.

Quamquam aliquid ut viderent, casu factum est. Descendit a voce *φάκελος*, *φάκελλος*, quod

Grammatici explicant *δεδεμένον φορτίον*, v. Muncker. Anton. Liberal. 27. Quum autem Phacelinæ, Phacelitidis nomen in una Italia et Sicilia usurpatum videamus, sponte subnascitur suspicio, annon Siculum illud vocabulum sit. Neque obstat huic sententiae, quod optimi quique scriptores posthac eo utuntur, ut Herod. IV, 62. *φρυγάνων φάκελοι*, v. Valcken.; Thuc. II, 77. *ἑλης φακέλλοι*. Grammaticos Latinos a *fascibus* originem repetentes vocis torsit maxime locus Lucilii poetae, in quo prima correpta opus est. Is igitur in III Saturar. ap. Prob. et Pomp. Sab. Aen. II, 116. ita loquitur:

Et saepe quod ante

Optasti, freta Messanae et Rhegina videbis

Moenia, tum Liparās Fascelinae templa Dianae. Apponit Pomponius: *Vel extrito s pronuntiavit, vel, ut alii volunt, Facelitis a facibus dicta*. Muncker. l. c. ita labanti versui succurrit, ut Facelitis rescribat; Heynius ad Donat. p. XCII. *Facelinae (et) templa*, alia tentarunt alii. Non est dubium, quin sincerum sit, quod legitur aqud Pompon. *Liparam et Facelinae t. D.* Liparam enim fere unam ex insulis illis Aeoliis nuncupant, rarius omnes Liparae vocatae, v. Dorvill. Sic. I. p. 20. Ad faces confugerunt Grammatici syllabarum modulationem expedituri: cordatiores qui essent, merito repudiarunt, Serv. Aen. II, 116. et Hygin. 261. „non tantum a face, cum qua pingitur, propter quod et Lucifera dicitur.“ A face tamen nomen derivavit Cluver. Sic. ant. p. 306., qui *φάκελος* nostrumque *fackel* non diversa vocabula ratus est. Perperam. Quanquam satis constat de Diana *σελαςφόρος, φωςφόρος*, et alias et in multis urbibus

Siculis culta. Quae ab hoc loco alienissima est. Apud Sil. It. XIV, 261. quum olim legeretur *sedes Fascelinae divae* Cluſerius correxit *sedes Facelinae Dianae*. Quod quam recte factum sit, cod. Colon. documento est, in quo *Facelina* repertum. Alia flexura *Phacelina*, nam ita scribendum est, *Phacelitis* vocata est. Unde apud Probum est *Fascelitim*, quod et Probo relinquendum est et reliquis Grammaticis hominibus, de origine vocis falsis. Apud Serv. in Aen. l. l. *Unde et Fascelis dicitur* quum dissideant libri, exhibentes illi *face-ris*, *facelis*, *facilis*, *fascilis*, *Phacelidis*, tutissime ibimus, si reposuerimus *Fascelitis*, quum idem Serv. altero loco in Bucol. p. 95. *Fascelitidis* scriptum reliquerit. Ex quibus omnibus consecrarium est, Dianam eam, quae Grammaticis *Fascelina*, *Fascelitis* est, Rheginis et Siculis fuisse *Phacelinam* et *Phacelitidem*.

Causam cognominis Grammatici inde duxerunt, quod Orestes fasce lignorum involutam effigiem ex Scythia attulisset. Ita ut putarent, vel originationis fecit, vel sacra aliqua fama. Ex simili nominis scrutatione pullulavit Pausaniae originationis nominum *Ανγοδέσµας* et *Ορθείας*. Spectat nostrum nomen potius ad festorum ritus dierum et consuetudinem sacram ex natura Deae oriundam. Docet enim *Ανγοδέσµας* nomen, simulacrum Deae solitum esse lygo, vimine, circumligari vel coronari. Ad quem ritum declarandum Creuzer. commentatt. Herodot. p. 246. advocat Dionysum *περικιόνιον*; nam Osirim, censeo, mittimus. Hippolytus apud Euripidem in cognomine fabula v. 72. Dianae suae offert corollam ἐξ ἀκηράτου λειµῶνος. Auctor est Philochor. apud Scholl. in eum locum, τὴν ἐν

Ἀγραις Ἀρτεμιν τῷ λόγῳ ¹¹⁾ στέφεισθαι. Ut lygus,
 ita ἄγνος, vitex, Deae sacra, haudquaquam ob ca-
 stitatem, ut vult Schwenk. etym. — myth. Andeut.
 p. 221., sed ob indolem Deae Λιμνάτιδος, palu-
 stris. De cujus Deae castitate non nimis bene sen-
 sisse veteres, Alphei amor docet in Dianam fluvi-
 alem. In palustribus regionibus enim vitices lae-
 tissime efflorescunt et primo vere luxuriantur
 ramusculis. Quibus et effigies Deae circumvolve-
 batur et homines rustici tempora sua redimibant,
 v. Welcker. Trilog. Aesch. p. 52 sqq. Videmus
 Deam hanc nostram cultam in portubus, unde Λι-
 μενόσκοπος vocata, juxta flumina, ποταμία, Ἀλ-
 φειῶα in Elide et Ortygia, ad lacus, in regionibus
 Λιμναζούσαις, stagnantibus. Ex quibus redundat,
 fuisse numen ex humore terrae et aquis vigorem
 naturae et agrorum fertilitatem et pecorum valitu-
 dinem ministrans. Ita etiam Pan et ἄκτιος fuit,
 Theocr. V, 14., et Λιμενίτης, Lobeck. Soph. Aj.
 694. Hinc loca illa Peloponnesi, cui haec Deae
 indoles maxime adhaerebat, v. Mueller. Dorr. I. p.
 375., vocata Λίμναι a Dea ipsa, hinc delubrum Deae
 Rheginae extra moenia oppidi, forsitan in litore
 vel ad unum ex fluviis illis septem, quod vero si-
 millimum videtur, hinc et Tyndaris et Artemisium
 urbes in litore, juxta fluvios; is, qui erat apud
 Artemisium, a Diana illa Phacelinus appellatus.
 Nec dubito, quin Hesych. Glossa, quae Dianam

11) Vulgo λόγῳ. Emend. Schwenk. l. c. Eadem corru-
 ptela inhaesit olim frgm. ex Aeschyl. Sphing., ἐκ Ἡρο-
 μνηθῆως λόγον, dudum sublata ab Heynio. Eaque cor-
 rectio ita certa est, v. Welck. Trilog. Aesch. p. 44 sqq.
 ut Dindorfium mirer, vulgatam tacite servantem, v.
 frgm. Aesch. 219.

Ελευά Messeniis asserit cultam, referenda sit ad Limnas agri Dentheleatis. Hinc, quum Dea agrestis et pastoritia evasisset, lacte et caseo, rusticorum hominum muneribus, donata dicitur, v. Probum l. c. Illam autem Deam cur veteres ex Taurica oriundam judicarint, hae videntur causae fuissae; nam num vere inde simulacrum ad Graecos pervenerit, in incerto relinquo. Veteres Graeci quum ex antiquis temporibus accepissent, prisca aetate ferae Graeciae exstitisse Deam crudelem, Dianae nomine insignitam, humano placandam sanguine, illam sibi persuaserunt non in Graecis regionibus natam, sed ex Taurica terra advectam, postquam, ubi commercio Graecorum illa loca patere coeperunt, ibi saevam aliquam Deam cultam intellexerunt. Traducta vero Graecia a vetusta morum ferocitate ad mansuetudinem vitae communis, Dea quoque videbatur deposuisse indolem barbaram factumque numen viridis naturae earumque regionum, quae ob fertilitatem conspicuae pascentis gregibus maxime idoneae haberentur. Egrege hanc nostram de indole Deae sententiam firmat, quod Ορσωρία (quam ex Taurica repetebant) Diana fuit apud Megarenses eademque Διμενήτις, v. Welcker. Theogn. 727. Et scintilla certe veri latet, opinor, in perplexa hac narratione Acronis ad Hor. l. carm. 7, 10. „Post matricidium Orestes cum fureret, adiit oraculum de sanitate: oraculum respondit, sic eum posse sanari, si Dianae Scythicae de Taurica simulachrum auferret. Profectus itaque est. Ubi soror ejus sacerdos, quae advenas immolabat, agnovit fratrem et pepercit illi, interrogavitque, cur venisset; ille indicavit. Abstulerunt inde simulachrum, simul soror secuta est. Delati

sunt ad Italiam et collocaverunt in nemore Aricino simulachrum et consecraverunt nemus. Post haec Italis immite numen visum est et asperum, miseruntque ad orientem simulachrum, quod Lacedaemonii susceperunt, et ne aut crudelitatem, aut sacrilegium facerent, statuerunt hi, ut juvenis aras ascenderet et superimponeret manus et tamdiu loris caederetur ab alio juvene, quamdiu sanguis de vibicibus in aram manaret et satisfaceret numini."

Pauca eorum omnium, quae ab asperitatibus temporum nobis concessa disputationi huic profuerunt, haberemus cognita, nisi placuisset Grammaticis ad hujus Deae sacra referre origines carminis bucolici. Postquam autem Oresteae fabulae indolem Dianaeque illius naturam ex mythorum involucris explicavimus, videamus, num forte inde derivare liceat, quae multifariam obscuras veterum narrationes circa hanc rem illustrent. Creduli profecto est, temere talia amplecti omnia; turpius ille peccat, qui ejusmodi fabellas fundamento historico destitutas ratus tanquam commenta in cerebello istorum hominum nata superbe damnat atque rejicit. Primum ex narrationibus Grammaticorum, quae huc spectant, intelligimus, primordia bucolici carminis referri ad eas urbes, quas Messeniis habitatas sacra Dianae Phacelinae habuisse docuimus, Tyndaridem, Artemisium, ἐν Τυνδαρίδι τῆς Σικελίας πρῶτον ἀσθῆναι λέγουσι τὰ βουκολικά, Schol. Theocr. Iidem tamen Grammatici aliorum referunt sententiam, qui fabulam Orestis incredibilem rati, opinor, Syracusis ortum traxisse carmen bucolicum voluerunt, ob Theocritum puta Syracusanum, qui, si non primus ad artis praecepta id genus cantilenas revocavit, maxi-

mam tamen consecutus est celebritatem inter idem ausos. Bene autem factum, quod et illi, licet incredibilia fabulati et secum repugnantia, ad sacra Dianae, quam Δίην Diomedes, Probus Αἰαίαν nominat, primordia carminum alligant. Quam autem fingendi lubido in his narratiunculis grassata sit, hinc elucet. Nam Gramm. Theocrit. l. c. loquitur de turbis civilibus, quae Syracusas agitarint, universe, quibus compositis laeti homines rustici Deam illam cantilenis suis ornaverint. Postēiores Grammatici in eo non acquiescebant: certum aliquod tempus fixerunt, quod ad illam consuetudinem ansam dedisset. Igitur Probus dicit, quum ante Gelonis tyrannidem lue pecora interissent Syracusis, institutam Dianae religionem esse. Diomedes Gr. III. p. 144. Berwald. placuit aliud temporis momentum, aptius illud visum ad carmina pastoritia instituenda. *Antequam Hiero rex Syracusas expugnaret, morbo Sicilia laborabat, variis et assiduis ceremoniis Dianam placantes, finem malis invenerunt; eandem Lyen cognominaverunt, quasi solutricem malorum. Inde res in consuetudinem tracta est, ut greges rusticorum theatrum ingrederentur et victoriam canerent.* Praeter has narrationes exstat alia apud Diomedem et Probum, contorta quidem illa, sed quae vestigia veri tegat. Aptant enim primordia carminis bucolici ex cantunculis rusticis a pastoribus Laconicis decantatis, quum virgines, sacra celebrare suetae tumultu hellico fugissent, in honorem Dianae Caryatidis. Verum illud videtur, quod studiis Grammaticorum deflexum est, Dianam in montibus et regionibus semotioribus terrae Laconicae (addo et Messeniae) Deam pastorum solitam esse festis diebus istius-

modi hominum rudibus quibusdam cantilenis celebrari, v. Muell. Dorr. II. p. 346. Id quum Grammaticorum captum excederet, qui de choris virginum exaudivissent, maximeque de nobilissimis illis Caryatidibus, Dianam choris et cantibus veneratis, in promptu erat, fingere caussam, qua impeditae fuissent virgines, quominus munus suum exsequerentur. Ejusmodi autem temporis articulum quum circumspicerent, quo tota fere Graecia mota bellicis turbis esset, nullus occurrebat commodior, quam quum Xerxes barbarorum copiis universam Graeciam infestasset. Nam hoc tempus ponunt ansam dedisse cantiunculis illis hominum agrestium.

Quibus diligenter excussis, ita judicandum esse reperio. Dorienses illi Messenii in patria ita, ut Lacedaemonii, Dianam illam agrestem diebus solennibus vel choris virginum celebrabant vel cantilenis rusticorum: eandem consuetudinem propagabant coloni in Siciliam. Ubi pastores indigenas Siculos, quorum hominum mentes ad talia inclinabant, maxime hunc morem secutos apparet ex eo, quod Grammatici ἐπιχωρίους vel nautas et pastores ab Oreste convocatos primos hanc consuetudinem praeivisse referunt. Quum autem Orestem imaginem illius Deae in eas sedes attulisse sibi persuassissent, non poterant non origines carminis pastoritii et ipsas ad eundem Orestem referre. Haec necessaria consecutione profluere videbantur ex his fabellis ignorantia Grammaticorum depravatis. Ex quibus si certe nonnihil veri extricavimus, sufficiat in praesens. —

T H E S E S.

Ad viros humanissimos, qui adversantium partes
amice susceperunt, accedet

HENR. AHRENS, PHIL. DR.,

SOCIET. PHILOL. OLIM SODALIS.

qui quod hoc tempore hanc urbem invisit, per
mihi gratum accidit.

I. Orestis fabula cum religione Apollinis et Dianae Rhegium et in Siciliam commigravit per colonos Messenios.

II. Arsis sine thesi nulla est.

III. Sedes Nestoris Homerici Pylus Messenia.

IV. Ibycus poeta non interfectus Corinthi.

V. Trilogica fabularum compositio Aeschilo consuetas.

VI. Polycrates major, Sami tyrannus, figmentum est.

VII. Gerundium Latinorum nunquam passivo sensu usurpatum.

VIII. In Aesch. Agam. 869. lego: νῦν ταῦτα πάντα τλᾶσα παντλητῶ φρενί..

IX. In Aesch. Suppl. 263. lego: γαῖα μηνίτης δάκη.

X. Aristophanis Pax acta Ol. 89, 3.

XI. Oedipus in fabula Aesch. Septem c. Theb. mortuus fingitur.

XII. Non est vere profecta a Lysia oratio illa in Phaedro Platonis.



